



Mínar síður á leitir.is

Með öllum bókasafnsskírteinum fylgir lykilorð, oftast fjögurra stafa tala, sem veitir lánþeganum aðgang að sínum síðum á leitir.is

Á „Mínum síðum“ er hægt að:

- Fá yfirlit yfir öll útstandandi lán með upplýsingum um skiladag og sektir.
- Endurnýja lánin þrisvar (ef enginn er á biðlista).
- Taka frá bækur sem eru í útláni.
- Sjá síðustu 200 lánin sem búið er að skila.
- Breyta lykilorðinu.
- Sjá skuldir (gjaldfærslur) sem á eftir að greiða.
- Fá upplýsingar um stöðu frátekinna rita.
- Pantar rit og ljósrit af tímaritsgreinum í millisafnaláni og fylgjast með stöðu pöntunarinnar.

Útlán

Allir einstaklingar 18 ára og eldri, með lögheimili á Íslandi og íslenska kennitölu, geta tekið bækur að láni hjá Landsbókasafni Íslands - Háskólabókasafni. Bókasafnsskírteini eru gefin út á einstakling og ber eigandi skírteinis fulla ábyrgð á þeim gögnum sem hann fær að láni.

Aðgangur

Safnið er opið öllum.

Lánsrétt hafa Íslenskir og erlendir ríkisborgarar, 18 ára eða eldri, með lögheimili á Íslandi og íslenska ken- nitölu. Aðrir sem þurfa að nota safnið í þágu háskólanáms og/eða rannsókna geta sótt um tímabundið bókasafns- skírteini.

Bókasafnsskírteini

Lánþegar fá bókasafnsskírteini gegn framvísun skilríkja með mynd og ken- nitölu. Skírteini eru eingöngu gefin út til einstaklinga en ekki til stofnana eða fyrirtækja. Árgjaldið er 2.500 kr., en glati lánþegi skírteininu á tímabilinu, fær hann nýtt gegn 600 kr. greiðslu. Skírteinið má endurnýja að ári liðnu sé lánþegi skuldlaus við safnið. Þegar rit er tekið að láni skal ávallt framvísa skírteininu eða skilríkjum. Bókasafninu skal tafarlaust tilkynnt ef skírteini glatast. Lánþegum ber að til- kynna safninu um bústaðaskipti og bre- ytt símanúmer eða netfang sem fyrst. Á hverju skírteini er lánþeganúmer, en jafnframt hefur hver lánþegi **pin-númer** sem gerir honum kleift að skoða lán sín á [leitir.is](#). Það er einnig notað ef lánþegi kys að taka sjálfur frá rit eða panta rit eða greinar í millisafnaláni.

Útlán bóka

Rit til útláns er aðallega að finna á 3. og 4. hæð safnsins, en þau eru einnig geymd í kjallara og í safndeildum. Lánþegar geta sjálfir fundið bækur í hillunum á 3. og 4. hæð en geymslubækur þarf að panta í útlánaborði á 2. hæð. Hægt er að taka bækur í lán í afgangslum útlánadeildar á 2. og 4. hæð. Ef rit er ekki til í safninu er hægt að panta það í millisafnaláni. Sú þjónusta er gegn greiðslu. (Sjá nánar á [landsbokasafn.is](#))

Skil bóka

Bókum skal skila í afgangslu á 2. hæð. Lánþegar eru vinsamlegast beðnir að bíða meðan bókunum er skilað. Þær eru á ábyrgð skírteinishafa á meðan þær eru skráðar á hans kort.

Fjöldi útlána

Hámarksfjöldi útlána eru 50 rit í einu fyrir starfsmenn Háskóla Íslands, 20 til 30 rit í einu fyrir háskólanema og 10 rit fyrir aðra. Sækja má um undanþágu frá þessu í sérstökum tilvikum.

Lánstími

Lánstími flestra rita er fjórar vikur. Sum rit eru lánuð í styttri tíma vegna mikillar eftirspurnar. Ýmis rit safnsins eru ekki lánuð út, t.d. rit Íslandssafns, handbækur á 2. hæð, lokaverkefni og tímarit.

Rit tekin frá

Lánþegar geta tekið frá rit sem eru í láni á [leitir.is](#). Þeir fá tilkynningu með tölvu- pósti þegar ritinu hefur verið skilað.

Endurnýjun lána

Hægt er að endurnýja lán ef enginn lánþegi er á biðlista fyrir viðkomandi rit. Á [leitir.is](#) geta lánþegar sjálfir endur- nýjað lán sín þrisvar. Hægt er að endurnýja símleiðis í síma 525 5681 og með tölvupósti á netfangið utlan@landsbokasafn.is.

Námsbókasafn

Kennarar Háskóla Íslands geta, í tengsl- um við námskeið sem þeir kenna, beðið um að ákveðin rit verði einungis til afnota í safninu eða lánuð í einn til sjö daga. Bækur á skammtímaláni eru í námsbókasafninu á 4. hæð.

Ábyrgð

Lánþegi (og ábyrgðarmaður lánþega) ber **fulla ábyrgð** á þeim ritum, sem hann fær að láni í safninu. Lán skírteinis til annarra er því á ábyrgð skírteinis- hafa. Þegar rit eru komin í **vanskil** leggjast á sektir eftir ákveðnum reglum.

Vanskil

Ef lánþegar skila ekki safngögnum á réttum tíma leggjast á sektir vegna vanskila. Um er að ræða dagsektir: 60 kr. Lánþeginn getur þar að auki átt á hættu að missa lánsrétt sinn og rétt sinn til að endurnýja lán þar til hann hefur gert upp að fullu. Á skammtíma- lánum nemur sektin 500 kr. á dag, sem eru einnig innheimtar fyrir laugar- daga og sunnudaga ef skiladagur var fyrir helgina. Uppgjör sekta fer fram við útlánaborð á 2. hæð. Ef gögnum er ekki skilað innan 2ja mánaða frá síð- asta skiladegi fara þau í innheimtu hjá **Motus**.

Meðferð rita

Lánþegar skulu sæta ábyrgð fyrir að skemma rit safnsins á einhvern hátt, t.a.m. með því að rífa úr þeim síður, skrifa í þau eða meðhöndla þau á þann hátt annan að þau beri skaða af. Skemmist bók í vörslu lánþega ber honum að bæta tjónið samkvæmt mati bókavarðar.

Glötuð rit

Glatist rit í vörslu lánþega skal hann annaðhvort útvega safninu nýtt eintak af sama riti eða bæta tapið með greiðslu gjalds. Reynt er að meta verðmæti rita en lágmarksgjald fyrir glatað rit er 8.000 kr.